

曾文正公全集

曾文正公詩集卷二

七古

謝疊山賣卜研爲劉太守題

青花一片瑩寒泉中有毅魄勞蒼天大宋河山滄桑改孤臣心
事金石堅當年賣卜建陽市麻衣血洗流成淵吞炭不復容三
擊下簾何曾索一錢稠父宋父弔鸚鵡東川西川泣杜鵑豈知
歷劫冰霜後尙畱人世文字緣辰陽太守亦可憐老抱石兄喜
欲顛三年膜拜憫忠寺萬里攜將書畫船書生癡絕例如此稱
先道古口流涎不如堯桀兩忘去日摩頑石支頭眠

送凌九歸

白日杲杲黃埃飛君胡少住遽言歸萬族由來各有託借問君
心何處著自言暫歸奉晨昏溫席不暖還出門丈夫生世會有
適安能側身自跼踖南箕北斗徒虛名東走西顧知何益磬折
已覺素心違璞獻況逢俗眼白要將萬舞誇輝光肯爲兩言求
恩澤皇天畀我非不豐平生長策能固窮一飽那爭雞鶩食萬
事從付馬牛風君家才望人所豔兄弟縱橫兩龍劍霜蹠蹠教
長板蹶雲藻終向天庭揆卽今歸去慎勿稽歲時努力謀鹽齏
綵衣好娛老萊母椎髻尙有梁鴻妻我亦屢尋還鄉夢年年送
人頗自諷送君無酒爲君歌楊花如海柰愁何

送楊春皆歸

去年同送蕭郎歸心如風幡亂掀簸今君告歸亦何遽臨別無
言但兀坐君才捷敏非常儔早時羣書讀已破堆案細字如毫
毛擲筆新詩成咳唾竭來燕市騁逸足聊隨鴛蹇爭芻莖出門
百錢買犢車入戶一編旋蟻磨虛牝擲金古所悲五年長安竟
坎坷剖瓠作尊何所容種柏傍石終不大首途雖舛心愈雄懷
寶空奇時難貨嗟余昏懦百無能與世趨趨動得過忽逢良友
相鑄磨有似酒狂得史佐隔日一見歡未闌鼓缶鳴箏唱復和
削除巉嶮得平夷厭見俗氛揚堀堞可憐俠氣千層雲時有忠
言驚四座一麾從此悵分離萬事何當付嬾惰方今 廊廟搆
羣材搜林剔穴行可賀看君形容不易凋顧此芒刃豈終挫明

年仍騎瘦馬來滿面還受緇塵浣

題毛西垣詩集後卽送之歸巴陵五首

伐木截兩端半作犧尊半溝壑南鄰北里輕薄兒昨日薰騰今
冷落巨屨小屨天所區焉能屑屑齊美惡勸君把酒持雙螯百
年爛醉拚嬉遨不學陋儒談狗曲修褻整巾徒碌碌

歐君

謂小岑

昔言鄉國彥汝與吳生

謂南屏

皆狂狷看汝織古得新

機惜哉弋時無急箭獨抱質缶辭雕鐫世人皆憎我獨羨金盤
銀醞有時灰得不垂顧併與鬪

朝誦幽通賦夕吟顯志篇咄哉此子頗聞道煩毒迷惑劇可憐
古來騷人都如此君亦苦語相糾纏日月瀟灑百蟄蘇老抱幽

憂胡爲乎

長羨江頭白髮翁
扁舟如瓦飄西東
船頭得魚船尾煮
穉子含笑老婦聾
王稅早輸百無事
從古不遇打頭風
君家正臨洞庭水
一飽弄舟樂何底
舍此他求真左矣

我生乾坤一贅人
逐眾轉徙如飛蚊
袞袞臺省無相識
紛紛時事了不聞
門外車馬何隱鱗
獨立階下看浮雲
君今歸哉渺千里
我方塵土無窮已

題顧南雅先生畫梅應何子貞

詩老餐冰老更臞
傾身謀醉一錢無
忽然嚼梅供大噉
笑吐滿紙森模糊
當時酒徒相饋餉
本寫贈張淵父
子貞從張乞得至今遺墨何清腴

平陵公子亦好事巧偷豪奪無罪辜時將巨障補空壁已覺暗
香來座隅長安一雪寒切膚冷官瑟縮同圍爐開眼忽到西湖
上四更殘月孤山孤我聞繪事通草隸此語自古誰云誣何君
作書妙天下生吞百虎心膽麤世人只解傳梔蠟獨能養氣真
吾徒莫言書畫直小道不到聖處甯堪娛吁嗟詩老不可作君
雖抱此徒區區

傲奴

君不見蕭郎老僕如家雞十年笞楚心不攜君不見卓氏雄資
冠西蜀頤使千人百人伏今我何爲獨不然胸中無學手無錢
平生意氣自許頗誰知傲奴乃過我昨者一語天地睽公然對

面相勃僊傲奴誹我未賢聖我坐傲奴小不敬拂衣一去何翩
翩可憐傲骨撐青天噫嘻乎傲奴安得好風吹汝朱門權要地
看汝倉皇換骨生百媚

瑣瑣行戲簡何子敬乞醃菜

瑣瑣復瑣瑣謀道謀食無一可大人天嬌如神龍細人局蜷如
螺贏皇皇百計營齏鹽世閒齷齪誰似我既不學虎頭食肉飛
將軍又不能駝峯犀筋醉紅裙長將野蔬說奇錯春筍秋芋評
紛紛吾鄉芋最美拙妻嘲訕婢子笑可憐先生了不聞苦思鄉國干
里月夢想牀頭一甕雲君家醃菜天下知忍不乞我賑朝饑丈
夫豈當判畛域仁者況可懷鄙私炯炯子心天所許堂堂此理

君莫疑忽憶條侯理入口黃頭銅山竟僵培功高七國安如山
 錢布九州浩如藪當時鼎烹會親賓後日饑腸作牛吼今我與
 子俱不材懷抱傾筐倒篋開取與廉惠兩無猜青天白日森昭
 回不醉不飽胡為哉

反長歌行

馮樹堂三十初度有汲汲顧影之憂故為詩以
 廣之得失靡常驚名無極繁稱雜奏歸之於正

道云

羲和驅日如驅豕鞭之不行汗流泚頃刻奔馳過百年老盡世
 人渠獨喜渠獨喜我甯愁已拚一老百無恥馮夫子我歌君莫
 鄙柏梁銅爵安在哉盜跖唐堯俱朽矣北翁得馬知何祥臧穀
 亡羊定誰是平原轉眼成嵩邱華屋隔宵生荆杞上蔡黃狗空

歎嗟洛陽銅駝百遷徙萬事支離那可論吾生得失亦如此卻
笑張毅空飾文更憐單豹強治裏修衷修褻皆虛名老向人前
矜爪觜君看從古軒赫人一半名場夸毗子今晨令問傾王侯
明日枯柴飽蝻螳銘功誅德千萬言可信人閒有真史馮夫子
我歌君且起君今三十胡皇皇浮名驅君不自止頻嗟短景難
少延便得長春甯足恃世閒自有清淨業日往月來了無累人
迹不到禽不來萬年廢井養秋水

題畫蘭三首應田敬堂同年

淺紅生綃一尺半描金蘭葉光爛爛不知誰氏書畫船遺作君
家錦繡段時棄時取了無憑花若有情花亦歎有客對此三沈

吟一夜魂飛洞庭深故鄉蘅杜知我心
洛陽三月天如銀楊花浩浩愁殺人美人璇閣弄鸚鵡傷心不
敢當青春獨對盆蘭訴幽怨再拜且爲花寫真腕輕著花只嫌
瘦釧重放葉難爲伸簾外雙雙蛺蝶舞羨汝自在好要身閣筆
下階傍花立臨風三嗅馨香泣

田郎田郎似我嬾反鎖衡門走賓館三年啖蔗未曾甘九畹藝
蘭行復滿不願舉國揚芬芳但願同心通悃款晨書小楷眼欲
花午睡醒來日已斜從容讀畫還煮茶

贈何子貞前輩

以紙索子貞作字久
不見償詩速之也

九疑山水天下清中有彥者何子貞大譎老謀不自白世人誰

解此縱橫八法道卑安足數君獨好之如珉琤終年磨墨眼不
眯終日握管意未平自言簡箋通性道要令天地佐平成怡神
金鯽朝吹浪失勢怒猊夜擣營同心古來亦有幾俗耳乍入能
無驚可憐四十好懷抱空使九州播書名嗟我波瀾頗莫二知
而不爲真不智捧心恥與時爭妍畫足久爲聖所棄行當就子
更柱弦可能爲吾倒筐筥去年一諾今未償舊迹已陳誰復記
世閒萬事須眼前須臾變態如雲煙煩君一揮清我室驅逐毒
熱無煩煎高堂巨壁蛟龍走鄙夫白晝敲枕眠

題唐鏡海先生二圖

十月戎行圖

生世不能學夔臯裁量帝載歸甄陶猶當下同郭與李手提兩
京還天子三年海國困長鯨百萬民膏餒封豕諸公密勿既不
臧吾徒迂疏尤可恥岱宗夫子唐太常今日儒林有正軌宗傳
久已追廉伊餘事猶堪作牘起昨來示我戎行圖回首軍興今
一紀九疑南去山連天八排獍獠多於螳猱升鼉伏巢穴繁青
絲白馬風塵駛籌邊樓下雲屯營臨賀嶺前雨注矢先生獨出
當九關磨鍊眾心作高壘千礮齊震雷破山萬馬不嘶月如水
先生兀坐了不驚秉燭從容讀書史大儒意趣未可量小醜麤
豪安足齒功成行賞不自言羞與駑駘較尺咫我覽此圖發長
歌可憐黃髮今皤皤四海息兵無一事先生且住安樂窩

五原學舍圖

大兒垢膩衣短裾小兒蓬頭語更吃生長搖戶習繩行不識詩
書定何物昨者縣門鼓如雷太守如父從天來走章馳檄到山
寨要與龔俗辨頸顛皇天於人何厚薄未必蠻犵皆不才一朝
得與冠裳會青天始見雲霧開魑結公然被儒服笑言啞啞歡
且哈山南伐石千指碎山北挽木萬牛回縮版登登日復夜取
次學舍高崔嵬五原便同石渠閣百丈似築通天臺銅鼓蘆笙
雜弦誦衣冠俎豆何文哉但願使君長世世坐看槃瓠成瓌材
豈期文翁難久借至今蜀國有餘哀披圖卻憶十年事富川風
物落酒杯方今 聖人舞干羽薄海懷柔不用武會崇我丈比

桓丁立使殊方變鄒魯三老五更古所尊嗚呼此事非小補何時虎觀擁皋比我亦執經走廊廡

感春六首

奉君以象白猩脣之異味青琴碧玉之妖姬子復漠然不我與我今寸意當訴誰散髮狂歌非關醉枯株兀坐未是癡手撮黃塵障河決自有幻想非人知城南海棠已爛放牡丹如霧行離披如此青春忍不賞直待白髮甯可追

今我不歡子不悅攜手天街踏明月西南白氣十丈長銳頭突尾射天狼東方狗國亦已靖復道羣鼠舞伊涼徵兵七千赴羌隴威稜肅厲不可當 國家聲靈薄萬里豈有大輅阻孱螳立

收烏合成齋粉早晚紅旗報未央嗚呼天意正如此小儒不用

稽災祥

男兒讀書良不惡乃用文章自束縛何貞子南吳屏朱伯邵蕙不知

羞排日肝腎困鎚鑿河西別駕酸到骨作者立談三距躍老湯

海秋語言更支離萬元干搖仍述作丈夫求志動涓莘蟲魚篆刻

安足塵賈馬杜韓無一用豈況吾輩輕薄人

明珠二百斛江湖三十年徧求名劍終不得耳聞目見皆鈍鉛

聞道海外雙龍劍神光夜夜燭九天沴氣妖星不敢逞橫斬蛟

鱷血流川天子寶之無倫比列置深殿閨風前千金萬金買玉

匣火齊木難嵌中邊元臣故老重文學吐棄劍術如腥臙如今

君王亦薄恩，缺折委棄當何言。

蕩蕩青天不可上天門，雙螭勢吞象豺狼虎豹守九關。
厲齒磨牙誰敢仰，羣鳥啞啞叫紫宸。惜哉翅短難長往，一朝孤鳳鳴雲
中。震斷九州無凡響，丹心爛漫開瑤池。碧血淋漓染仙仗，要令
惡鳥變音聲。坐看哀鴻同長養，上有日月照精誠。旁有鬼神瞰

高朗

太華山頂一虬松，萬齡千代無人蹤。夜半霹靂從天下，巨木飛
送清渭東。橫臥江干徑十里，盤坳上有層雲封。長安梓人駭一
見天子，正造咸陽宮。大斧長繩立挽致，來牛去馬填坑。虹梁
百圍飾玉帶，螭柱萬石掄金鐘。莫言儒生終齷齪，萬一雉卵變